



Prüma lectüra preventiv 2022

Ilis gremis responsabels han repassà il prim sböz dal preventiv dal quint da success e dal quint d'investiziuns per l'on 2022. La segunda lectüra dal preventiv 2022 ha lö in october 2021.

Deliberaziun cuosts implü - tagls sforzats 2021

Cun quai cha'ls cuosts pels tagls sforzats sun plü ots sco calculats i'l preventiv 2021 ha il gremi responsabel deliberà retroactiv il surpassamaint.

Chasin dal Paster Susch - vendita da l'immobiglia

La suprastanza cumünala vaiva decis da scriver oura e vender il Chasin dal Paster a Susch [gvg no. 55 culla parcella no. 2018]. L'inserat es stat publichà e l'immobiglia ha pudü gnir vendüda.

Planisaziun locala - revisiun totala - plan da la cumischiun da privel - decisiun da proseguimaint

La cumischiun da privel III da l'uffizi da god e privels da natüra dal Grischun, regiun Grischun dal Süd a Zuoz ha surlavurà e güdichà da nouv la situaziun da privels sül territori dal Cumün da Zernez. Ilis possessurs pertocs directamaing sun gnüts infuormats dals adattamaints. Il müdamaints valan a partir dals 22 avrigl 2021.

Adattamaint dal sistem d'annunzcha da la pernottaziuns

Cun l'introducziun da la nouva carta da giasts sülla stagiun d'inviern 2021/2022 dess gnir introdüt ün nouv sistem per annunzchar ilis giasts respectiv per retrar da là la carta da giasts. Inavant d'esser però eir gnir annunzchats il giasts chi nu pagan taxas da cura. Il nouv sistem digital es gnü sancziunà.

Büro electoral per las votaziuns chantunalas e federalas ed elecziuns cumünalas dals 26 settember 2021

La suprastanza cumünala ha elet il büro electoral per las votaziuns dals 26 settember 2021. Al büro electoral fan part: Emil Müller sco president, Beat Schärer, Brigitta Enkerli, Seraina Bickel e Corsin Scandella sco actuar.